

NAINAQHIMAYUQ PIQUHILIQUOTAUNGITTUT NAINAQHIMANI TAPHUMUNGA HOOD RIVER HAVANGUYUQ

TUKHIGAUT PILAQNINUT INUIT NANMINIGIYAI NUNAT - Nakataani 12:

*Hanaiyaqhimayat tapkuat Inukshuk Havikhaqhiuqtit Nanminilgit kivgaqtuqhugit WPC Risuasis
Nanminilgit*

Tamna tukhigartuq, **WPC Risuasis Nanminilgit** (“WPC-kut”) tamna Vancouver-mittut havikhaqhiuqtit nanminilgit, uuktugutilgit havagininut havikhait havikhaqhiurninut havagutit tahamani Hood Kuugaq nunani Nunavutmi. Tamna nuna piyumayat piqalartuq angiyumik guulit qiplagiktut havikhaqtaqaqninik.

WPC Risuasis Nanminilgit atuqhugit angigutit tapkununga Inukshuk Havikhaqhiurtit Nanminilgit (“Inukshukkut”), uuktugutigiyat havagininik tamna 5 ukiunut havikhaqhiurniqmun havagutit hanatyuhikhaliat naunaiqninut havikhait piqaqnit tahamani nunami taihimayuq taphumunga HOODRIVER-001 Havikhat Havikhaqhiuqninut Angigutit (“MEA-nga”) tamna tatyavavagiguta tapkuat Inukshuk tapkuatlu Nunavut Tunngavik Nanminilgit (“NTI-kut”). Una angigut pihimayuq ilagiyani tamna CO-20 IOL nunat tahamanittunilu iluani tahaphuma Kitikmeot Nunat Pihimanit ilagiyat. Tamna HOODRIVER-001 MEA-nga, pihimaya nuna tamna 8015 hectares iniqartuq ungalani taphuma Hood Kuugaq naliyagianilu taphuma Ulu Piqaqnianit tamna tatyavavagiguta tapkununga Elgin Uyagakhiuqtit Nanminilgit (“Elgin-kut”). Tamna HOODRIVER-001 MEA-nga nanminigiyauyuq 100% tapkununga Inukshuk Havikhaqhiuqtit Nanminilgit.

Tamna hivulliq havikhaqhiurniqmun havaguyuq pigiaqniaq 2014-mi. WPC-kut qaniqatigikhimayut angiqatigiplugitlu tapkuat Elgin, tapkununga WPC-kut havaktit talvangaqtarniaqninik nalaanittumin Ulu Hiniktaumavianit. Una hiniktaumavik, nanminigiyauyuq tapkununga Elginkun, tamna tatyavavagiguta, aulattiarpiaqtuq, tamnalutamaqminut pilagutitattiaqhimayuq. Piyagakittanganik akikitniqhaunilu hanayangit, aulanit pilagutitaqtuqninut nutamik hiniktaumavikmik, WPC Risuasis atuqtuakaphukniaqta inikhat uumani tatyavavagiguta havakvikmi; tamna Ulu Hiniktaumavik kivgaqtugutauniaq upaktaqunianik hiniktavik tamaanut tallimat ukiunut havagutit tahapkuat ayyikkuaptait ukiumun havagutit nigugiyaunit havagiyautitlugit atuqlugu una hiniktaumavik ihuaqhihiania tapkununga qaphinut ukiunut pipilugu kayuhinit nakuuyumik havikhaqhiurniqmun qanugitnit.

Atuqtitlugi 2014, tamna NI43-101 havakvik pulaqtaunia upalungaiyaqhimayuq. Havaktiuyut havakvikmi kikliqaqniat (mikhaanitniatqut 4 inungnik). Havakvikmillaklutik, mikiyunik nalvaqhiuqniat, nunauyaliurlutik naunaiyainiqmutlu huliniit havaktauniat tahamani HOODRIVER-001 MEA-nga nunani. Nunguani taphuma 2014-mi havagutit, tamna Ulu Hiniktaumavik umiphaqniaq tamaitalu havaktit nutqaqtitaulutik. Tamna Ulu Hiniktaumavik angmaphaqniaq Upingangani 2015. Tamna 2015-mi maniqami havagutit ikayuqtauniat tapkununga 10-12 (tikittugu amihuniqhanut 20) inungnut havikhaqhiuqtit havaktit; tamna amihuniqhat havaktit qaphiunit tikitniat pituaqata ikuutarniqmun havagutit pigiaqata. Atulihaqtitlugi 2015, havakpiaqhimayat hanigaqhiqiktunik pinguiqtaunit tahamunga havakviuyumun maniqamilu nunaliqutinut naunaiyaqnit havagihimayait. Maniqami havaktit tikitniat qitqani Juni pigiaqninut naunaiyainit, nalvaqhiurnit nunaliqutinutlu nunauyaliurnia tahamna havakviuyuq. Pinagilaqat qitiqpani-2015-mi, tamna havakvik naunaiyaqtauniaq titigaqtaqhimayumin inuqtitluqaligiyyimin hunauyanginut naunaiyaqninutlu kitutluqak atuqpakhimanit Inuit inigiyaunit hivugut pigiaqniahaqtitlugi ikuutarniq. Tatyavavagigut, hivulliqmik, nainaqhimayuq ikuutarniqmun havagutit nigugiyauyuq pigiaqnikha atulihaqtitlugi Septaipa, 2015 – pitainaqata tamaita piyalgit pilagutit piyautaqata. Havagiyauqpiarniaq ikuutarniqmun havagutit kayuhiniat tapkununga kingunikhanut ukiunut pilugu pitaqnit kayuhinitnakuuyumik qanugitnit.

Atuqtitlugu tamna uuktugutauyuq maligait tapkununga havikhaqhiurniqmun havagutit, piittuq napainaqtukhanik pinguqtaunit tahamani HOODRIVER-001 MEA-nga nunani. Piplugu tamna nanminilik atuqtuaqniagianga inikhamik talvani nalaanittumi Ulu Uyagakhiurvik Havakviani tamna tatya tamaitnut pilagutiartuq pihimayailu tamaita piyalgit hiniktaumavik, anaqnut, iqakunut havagutit, ilagiagutaittut hiniktaumavikmi havagutit piyaqaqtut talvani HOODRIVER-001 MEA-nga taima mikhigiaqnit avatiliqutinut tunmigaqnit taphuma havikhaqhiurniqmun havagutit.

Nuktigautit tahamani havakviuyumi piniaqtut halikaaptakkut. Tingmitinut tingminit akungani taphuma Ulu Hiniktaumavik tamnalu Yellowknife atuqniaqtat tamna tatya aturtuq 1200 miitat tuapaliaq mittarvik inilik niginnuangani taphuma hiniktaumaviup. Piittuq akhaluutunik atuqnikhainut tahamani MEA-nga Nunani. Tamaita ikuuttat nuktigauniat atuqlugit hallikaaptat.

Sikiitut atuqtaulat ikayugutauninut iniqtiqnit Upingaami havagutit qilamik piyagakittumiklu (naunaipkutagiplugu haniqagiktunik pinguqtitnit, nunaliquutinut naunaiyainit) pihutagititlugu manigaq (tahiitlu) huli qiqumaqpiiaqtitlugit aputiqallaktitlugitlu.

Tamaita iqakuliugtauyut tapkununga WPC-kut havaktinit utiqtitauuniat agyaqtaulutik talvunga Yellowknife talvunga Ulu Havakvianit havaguhiq tamaat piplugu, ihulittagangata tamaat maniqami havakviunit talvanilu kingulliqaamik havanguyuq halumaqtigauniani atuqtauniat nungutpat tapkuat havagutit. Anait hiamaktailiyaniat atuqlugit tatya atuqtut pilagutilgit angiqtauhimayutlu havagutit iniaqtut talvani Ulu Uyagakhiurvik Havakviani. Halumaittut imait talvani Ulu Hiniktaumavik talvanilu ikuutarniqmun havakvit kuukpalianiat ilutuniqmun halumaqtigauyukhat. Tamaita ilutunit halumaqtigauniat iniqat atuni ikuutaqvit putut tamnaluniit piplugu hiniktaqviki, talvani ihuani atuni maniqami havakvini. Tamaita iqakut ikualaniam upluq tamaat angiqtauhimayumi ikualattiviki amiaikutlu ikualalaittut naptuyut iqakut kitulluliqak hivuganaqtut iqakuliugaulat, naniktitauniat utiqtitaulutik agyaqtauniat talvunga Yellowknife naamaktumun iqaqlugit atutqikhaqlugitluniit.

Ihulitniani tamna 2019-mi maniqami ukiup ilangani piitniaq atullaktunik napayunik (naunaipkutagiplugu tapkuat tupiit nattiit) ahivaqtauyukhat talvunga Hood Kuugaq Havakvianit inaanit tahamnalun nuna halumaqtigiaqniangittuq piitniaqman hiniktaumaviknik havagutunik pinguqtauninut tahamani HOODRIVER-001 MEA-nga Havakviani. Pikpat havikhaqhiurniqmun havagutit naunaiqhimanit atuttiaqnik tikitniani 2019, tukhigaut pilagutimun uigunianik tunihiniat pityutauniat pivaliatitpalinqninut tamna havanguyuq.

Naunaiqhimanian tapkuat tamaita piqatigiya pilagutit tukhigautit, avatiliqutinut aktuanit taphuma Hood Kuugaq Havanguyuq mikiniarpiaqtut piplugu havanguyuq pihimania "atulihaqnianut" havikhaqhiurniqmun havaginia. Tamaita pinahuaqnit piyauniat munaginut avatiliqutinut huguqtauninit.

WPC-kut atugahuaqpiartut aulaninik uqaqatigittaqninut ikayuqtigikninutlu piplugit tamaita ilauvilgit piqatauyut, ilautitlugit nunalikni nunaliuyut, tamaitalu aulattiuyut kavamauyut havakvit tapkuatlu Inuit Katutyiqatigit. WPC-kut pinahuaqpiarniat havaktitnik nunalikni Inuit tapkununga ukiup ilainanut hiniktarvikni ikuutarnikutlu havagiyauninut havat, tahapkuatlu atuqtaunit nunalikni nanminilgit ayuqnaittagangat. Tamna pivaliatitnia havikhaqhiurniqmun piqaqnit kayuhiniat havakhanigutaunit nunalikni inungnut ikayuqhiutilutiklu nunalikni maniliugutauninut havagittiaqlugit pilugit.

Uplua: Mai 25, 2014.